

Ms. Folio, pergamino, con 29 hojas.
Una duodécima divisiones (Regula) Structurales opera Ma-
thaei Cingetii

Prothulato

Magnum de mathematicis, sive.



1812

Académie des sciences, belles-lettres et arts de Paris

pour l'année 1812

par M. le Ministre de l'Intérieur

M

Extrait du rapport
présenté à l'Académie
par M. le Ministre
de l'Intérieur
le 10 Mars 1812


H I

VSVS

duodecim diuisionum Regulae Pantometrae,
per quas, et ope vnus circini vulgaris, ferè omnia Mathe-
maticorum problemata facili negotio resoluuntur.

Opera et studio Michaelis Coigneti
Antuerpiani, Ser^m Belgij Principum Mathematici.


Explicatio adiuncte figure.
Semidiametri suae Rady.
AB, AC, AD, et AE,
sunt Sinus totus.
Sit exempli gratia,
arcus CE, graduum 30.
Tunc vocatur: recta EH
Sinus 30 graduum.
Et recta CL dicitur
Tangens 30 graduum.
Item recta AL, nominat^r
Secans 30 graduum. etc.



+


Prima regula Pantometra utriusque signata est, hinc litera A, illinc litera B,
 quolibet facies tres continet species divisionum, quarum sex divisiones diuerse in prima regula
 De diuisionibus faciei litera A signatae.

- 1- In medio sunt diuisiones aequales ad 100, usque et ad partes 57. et plus sunt characteres Φ , et Ψ , quorum ope dantur lineae rectae aequales arcibus circularium, et contra. & 57
- 2- Exteriores diuisiones sunt planorum ad 64 usque signatae characteribus \square , et inserviunt ad augenda vel diminuenda plana, iuxta datam aliquam proportionem
- 3- Interiores sunt diuisiones solidorum ad 64 usque cum characteribus \square et \square .



De facie litera B signata


- 4- In medio sunt subtense graduum ad gradum 72^{um} usque et ad gradus 36. Sunt characteres M, qui media proportionalia cum duobus extremis designant.
- 5- Exteriores sunt diuisiones polygonalium equalium.
- 6- Interiores sunt latera polygonalium in circulo.



De secunda regula pantometra



Secunda regula est etiam utrumq; signata. hinc litera C, et illinc
litera D, sunt in hac regula etiam sex species diversarum divisionum.



De divisionibus faciei litera C signate.

- 1 - In medio sunt divisiones Sinuum ad gradus 90.
- 2 - Exteriores sunt divisiones quinque corporum regularium et globi.
- 3 - Interiores sunt divisiones metallorum, ut sunt Auri, Plumbi, Argenti Ferri, stanni, Item Marmoris et Petre.

De facie litera D signata.

- 4 - In medio sunt divisiones Tangentium, ad gradus 45. solummodo signate.
- 5 - Exteriores sunt divisiones Circuli; estq; semicirculus divisus in 30. segmenta equalia per lineas diametro aequidistantes.
- 6 - Interiores sunt divisiones globi. que globum secant per plana inter se parallela et in segmenta 30 equalia pro semissi globi. —

+

Sequuntur propositiones geometricæ, astronomice, geographicæ ac
gnomonicæ quæ ope 12 diuisionum regulæ pantometre resoluntur.

Propositio prima.

Datam rectam lineam in partes equales secare.

Sit data recta linea AB. Secanda e.g. in 7 partes equales.

Hoc fit ope diuisionum equalium: capiantur ad libitum duo numeri
in Septupla ratione, ut sunt 8 et 56 siue 10 et 70.

Circino ergo capies longitudinem AB, et regulæ pantometre crura diuaniato, donec ambo
numeri, 70 et 70, diuisionum equalium, sint in ea distantia, mox capies interuallum
numeriorum 10 et 10, et habebis spacium AC. quod dabit septimam lineæ AB. partem quæ
querabatur—

Propositio 2^a.

A data recta linea imperatam partem auferre.

Sit data linea AB. Secanda in C, eo modo ut tota AB. ad partem AC. sit ut 31 ad 19,
— Circino capies longitudinem lineæ AB. et distendite crura regulæ quo ad numeri
31, et 31, diuisionum equalium, sint in ea distantia, mox capies interuallum numerorum
19 et 19, quod pones de A in C. eritque AC. pars quæ querabatur.

Propositio 3^a.

Duas uel plures figuras regulares describere quarum ambitus
simul sumpti, equales sint alicui datæ rectæ lineæ.

Sit data linea recta AB. oportet exempli g^a delineare Trigonum et Pentagonum
cuius latera simul sumpta equalia sint datæ rectæ lineæ AB. Summa laterum
trigoni et pentagoni est 8: secato ergo totam lineam AB. in 8 partes equales, et
una pars dabit unum latus singularum figurarum.

Propositio 4^a.

Lineam rectam describere dati circuli circumferentiæ equalem.

Sit dati circuli diameter AB. cuiusque centrum C. oportet inuenire rectam AD.
equalem, e.g. dimidiæ circumferentiæ AEB.


Circino capies radium CB, et regulæ crura distendite, donec ambo characteres
† et † (positi ad partes 57 et plus inter diuisiones equales) sint in eadem distantia,
cum circini apertum, quo facto, capies interuallum numerorum 60 et 60 quod
pones de A, in D, ter, uel capies interuallum numerorum 90 et 90, et illud pones
bis de A in D, et recta AD. erit equalis curvæ lineæ AEB et c.

Propositio prima




Aliud exemplum super 1^a propositione


Sit linea IK secunda e.g. in partes 77. equales, circumcapiet longitudinem date lineae IK. et regule cruribus diuicatis quo ad ambo numeri 77. et 77. diuisionum equalium sunt in ista circini apertura, mox capies intervallum numero 75. et 75. Item 70. et 70. eodem modo 60. et 60. etiam 50. et 50. que spacia pones de puncto I. in 75. in 70. in 60. in 50. nempe de dicto I. puncto versus K. et habebis quod querebatur.




Propositio 2^a



Propositio 3^a





Propositio 4^a




Propositio quinta

Rectangulum delineare equale dato circulo;

Sit dati circuli centrum C. eiusque diameter AB. oportet describere  CADE. equale dato circulo. per prop^m precedentem inquires rectam AD. equalem semissi circumferentie circuli AOB; ex longitudine AD ac latitudine moy AC. conficies  CD. hoc erit, iuxta Archimedis demonstratas rationes, equale dato circulo.

Propositio Sexta.

Quadratum describere quod dato circulo sit equale.

Per precedentem propositionem describes rectangulum CD, equale circulo dato, deinde iuxta ultimam Secundi elementorum Euclidis, describes quadratum AHIK. equale inuento  / eritque inuentum HK. quadratum dato circulo equale.

Propositio 7^a

Plana adaugere vel diminuere iuxta datam aliquam rationem.

Sit, eg; datus pentagonus signatus A. oportet nouum describere signatum, litera D, ea ratione, ut qualium figura A. sit talium D sit. hoc est ut quinq; ad undecim. Hoc fiat aduinculo diuisionum planorum, capies ergo circino longitudinem lateris dati pentagoni signati literis BC. et regulę crura diuarcato donec ambo numeri, set 5, diuisionum planorum, sint in hac distantia, CB, mox capies interuallum numerorum, 11 et 5, et habebis longitudinem rectę EF, que dabit unum quesiti pentagoni latus.


Propositio 8^a

Proportionem quam similia plana ad inuicem habeant, inquirere.


Sint duo triangula similia signata literis O et P, oportet eorundem proportionem, quam ad inuicem habeant, inquirere.

Circino capies longitudinem lateris trianguli AB. et regulę crura diuarcato donec ambo numeri diuisionum planorum 60 et 60, uel 48 et 48, uel alij numeri, ad placitum sumpti, sint in eadem distantia, sit iam quod ambo numeri 48 et 48, diuisionum planorum sint in distantia rectę AB, quo facto capies longitudinem lateris CD, et inquires inter dictas planorum diuisiones, quales numeros equales dicta distantia monstrat, et inuenies in hoc exemplo 20 et 20 dices quod est sicut 20 ad 48 triangulus O. ad triangulum P. Vel ut 60 pro triangulo P. talium erit triangulus O partium 25. hoc est ut 12 ad 30 quinq;.


Propositiones 5^a et 6^a



Propositio 7^a



Propositio 8^a



Propositio 9

Planum describere quod sit multis alijs Similibus equale.
Sint data plana ABC. oportet inuenire rectam DE que dabit
radius quarti circuli, equalis datis tribus Signatis AB et C circulis.
Anquires per precedentem propositionem quas inter se habent
rationes, et sit e.g. in hoc exemplo ut qualium A sit 4, talium B 7 et C 10.
Summa omnium est 21, quare diuicatis cruribus regule, donec ambo
numeri 10 et 10, diuisionum planorum sint in distantia recte FG, quo facto,
capias circino interuallum numerorum (eiusdem diuisiones) 21 et 21 et
habebis quesitam rectam DE, que dabit radius quarti circuli que querebatur.
Per rationes geometricas possis per triangula rectangula FGH et FHI
inuenire rectam FI que dabit etiam quesitum radius DE et c.

Propositio 10^a


Planum delineare equale differentie datorum duorum similium planorum.
Sint data plana duo circuli quorum diametri sint AB et CD, oportet
describere tertium circulum cuius magnitudo sit equalis differentie
inter circulum X et circulum, O. et c.
Anquires dictorum circulorum proportionem sitque ea ut qualium maior
circulus X sit 50, talium minor O sit 30, horum differentia est 20. Pones
ergo distantiam numerorum 50 et 50 diuisionum planorum ad longitudinem
diametri AB mox capies interuallum numerorum 20 et 20 et habebis
longitudinem quesite lineae E. Geometrice possis in semicirculo AFB accommodare
rectam AF equalem diametro CD. et reliquum latus BF dabit quesitum
diametrum E que querebatur.

Propositio 11^a



Inter duas datas rectas lineas mediam proportionalem lineam inuenire.
Sit data prima A 32 et tertia C 8, oportet inuenire mediam B,
Regule crura diuicatis, quo ad numeri 32 et 32 diuisionum planorum,
sint in distantia datae rectae lineae A quo ad aptato capies interuallum
numerorum 8 et 8 et habebis longitudinem quesite medie
proportionalis B que querebatur.

Geometrice hoc etiam fit facillime, descripto semicirculo DGE, cuius
diameter sit equalis primae lineae A, sitque DE equalis tertiae lineae
C, ex F fiat normalis FG et recta DG dabit quesitam mediam proportionalem,
nam erit ut DE ad DG ita DG ad DF et c.

Propositio 9^a






propositio 10^a



Diameter circuli. 20.

Propositio 11^a



Propositio 12^a.

Corpora Solida adaugere uel diminuire iuxta datam rationem.

Corpora Solida regularia habent aug^tmentationes uel diminutiones uel in uno latere, uel in duobus uel tribus; Sit primo datus globus signatus litera A. et lubet nouum B querere, in ea ratione ut qualium A sit 5, talium B tria.

Circino capies longitudinem diametri dati globi A, et regule crura distendite donec ambo numeri set 5, diuisionum solidorum sint in hac distantia, mox capies circino interuallum numerorum 3 et 3, et habebis diametrum quesiti globi signati litera B.

Si corpus habet tres diuersas dimensiones, ut sunt C, D. et E. et lubet nouum corpus conficere, in ea ratione ut qualium datum sit 40, talium nouum sit 25; Circino capies lineam C. et numeros 40 et 40, diuisionum solidorum, pones in ista distantia, mox capies interuallum numerorum 25 et 25. et habebis lineam F, simili modo ex linea D. 40, inuenies lineam G. 25, et ex E. 40 inquires H. 25, et corpus nouum ex tribus mensuris FGH compositum erit ut 25 ad 40 pro corpore ex lineis CDE confectum.

Propositio 13^a.

Proportionem duorum similium corporum inuenire.

Sit linea A latus primi corporis et B latus Secundi, sed simile primo, etc. Regule crura diuicatio donec ambo numeri, 60 et 60, diuisionum solidorum, sint in distantia longitudinis lineae A, mox capies longitudinem lineae B, et inquirendo quales numeros monstrat; inuenies in hoc exemplo, 36 et 36, dico, quod primum corpus ad secundum erit ut 60 ad 36, hoc est in proportione superbi pertiente tertias

Propositio 14^a.

Datis quam plurimis corporibus similibus unum reliquis equale indicare.



Sint latera trium corporum similium A, B, C. quorum proportionem inquires per precedentem propositionem sitq; ea ut 10. 6. et 2, horum summa est 18, quare distendes regule crura quoad ambo numeri 10 et 10 distent pro longitudine lineae A, quo facto capies interuallum numerorum 10 et 10, et hoc dabit quantam lineam D, que erit latus corporis equalis datis tribus corporibus.

Propositio 15^a.



Corpus constituere equale differentie duorum datorum corporum.

Sit A latus maioris corporis et B minoris, sitque inuenta eorum proportio, ut 10, ad 7, quare reliquum erit ut 3. constitues ergo numeros, 10 et 10, ad interuallum longitudinis lineae A, et capies distantiam numerorum 3 et 3, que dabit quesitam lineam C, eritque hec latus corporis noui, in quo maius differt a minori.

Propositio 12^a




Aliud exemplum




Tres magnitudines date

Tres magnitudines quesite


Date ad quesite ut 40 ad 25.
hoc est ut 8 ad 5.





Propositio 13^a



Propositio 14^a



Propositio 15^a



C Diameter globi 3. librarum.

Propositio 16.^a

Inter duas datas lineas duas alias intermedias proportionales inuenire.
Sit data prima A partium equalium 54, et quarta D earundem partium 16,
oportet inuenire duas intermedias proportionales B et C.

Circino capies longitudinem linee A et regule crura distendite quo ad ambo numeri
54 et 54 diuisionum solidorum Sint in ea distantia, mox capies interuallum
numerorum 16 et 16 et hoc dabit tibi primam intermediam linea B. deinde regule
crura comprime te donec ambo numeri 54 et 54 distant pro longitudine inuente
linee B, et capto interuallo numerorum 16 et 16, habebis secundam intermediam C.

Nota. Per diuisiones equales inuenies qualium A 54 talium erunt B. 36. et C. 24 et c.
Si uero geometrice hoc lubet inquirere ex rectis A, et D, construes \square EFGH et constitutis
cruribus regule ad angulos rectos, inuenies duas intermedias HN, et FL siue HM.
quia in ista operatione ponuntur spacia FL et HM inter se equalia. que praxis denouo
a nobis excogitata est.

Propositio 17.^a

In dato circulo arcum notare comprehendentem imperatum numerum graduum.
Sit circuli dati centrum C. et radius AC. oportet in eo ab A in G notare eg. arcum
comprehendentem gradus 40.

Crura regule distendite quo ad ambo numeri 60 et 60 diuisionum graduum Sint ad interuallum
rady CA quo inuento capies interstitium numerorum 40 et 40, quod pones de A in G et arcus
AG erit graduum 40. Eodem modo erit arcus AEH. graduum 73 quia arcus AE est graduum 60,
et arcus EH graduum 13, quare totus arcus AEH graduum 73 quod facere oportuit.

Propositio 18.



Magnitudinem dati arcus uel anguli inquirere.

Sit clatus arcus AC. in circulo cuius radius sit AB, lubet eius magnitudinem indicare.

Operatio hec fit trutinando, quia primo capies magnitudinem rady AB, et regule crura
distendite, donec ambo numeri 60 et 60 diuisionum graduum Sint in distantia longitudinis
rady AB, quo facto capies circino longitudinem subtense arcus AC quam applicabis
ad dictas diuisiones, inquirendo duos numeros equales in dicta AC distantia, et
inuenies in hoc exemplo 42 et 42: dices ergo quod arcus AC est graduum 42.

Si uero anguli DEF lubet indagare quantitatem, centro E, et radio ad libitum capto,
describes arcum FGK, quo facto, pones magnitudinem rady EF. bis scilicet ab F in G
et H erit ergo totus arcus FGH graduum 120 sed GK est solummodo graduum 59 $\frac{1}{2}$ quare totus
arcus FGH graduum 119 $\frac{1}{2}$.

24



A geometric diagram on aged paper showing two circular arcs, ACF and BFE, intersecting at point C. A horizontal line segment AB is drawn. A line segment BE is drawn from point B to point E. A line segment CD is drawn from point C to point D, intersecting BE at point H. A line segment DG is drawn from point D to point G, intersecting BE at point I. The diagram is labeled with points A, B, C, D, E, F, G, H, I.

Propositio 19^a

Lineam rectam describere dato arcui equalem et contra in dato circulo arcum notare qui equalis sit datę rectę lineę: Oportet quod hæc data recta linea semper sit minor circumferentię dati circuli.


Sit datus arcus BDC. oportet inuenire rectam BF dato arcui equalem.

* 18. huius.
pp. 19.

Primo inquires huius arcus magnitudinem^{*} sitque ea eg. graduum 84. Circino capies radiy AB longitudinem et regulę crura dilatantur donec ambo signa F et F (inter diuisiones equales posita) sint in ea distantia, mox capies interuallum numerorum 84 et 84 et habebis totam lineam BF et ad probandum hoc capies interuallum numerorum 60 et 60 quod pones de B in E eritque BE recta equalis arcui 60 graduum, deinde capies interuallum numerorum 24 et 24 et habebis rectam EF, uel capies interuallum numerorum 42 et 42 quod pones de B in G et de G in F et semper inuenies quantitatem datę rectę lineę BF que equalis erit arcui BDC dato. Vel sit arcus datus KOL qę uidelicet 100. huic equalis erit recta HM linea quia HN est recta equalis gradibus 60 et NM equalis gradibus 40 ut omnia hæc ex adiectis schematibus apparet.




Propositio 20^a






Rectangulum delineare quod sit dato sectori uel etiam dato circuli segmento equale.

Sit datus circuli sector BAC, oportet delineare  ABDE equale dato sectori.



pp. 19.

Duc rectam BI normalem cum radio AB in qua pones de B in D rectam equalem dimidio arcus BOC^{*} et rectangulum ABDE iuxta Archimedis demonstrata. & Clavius de figuris equalis erit dato sectori ABOC. (Isoperimetris. pp. 4.


Si uero ducta fuerit recta chorda BXC possis triangulum ABC conuertere in  cuius unum latus sit AB, hoc scilicet modo ex C ducetur ad AB normalis CF huius dimidium sit FK cui equalis sit recta AG dico quod  AGHB equalis erit triangulo ACB ex quo sequitur quod  GEDH equalis erit segmento circuli BXC.

Quare cum datum fuerit aliquod segmentum circuli possimus illud conuertere in  inquirendo primo eius centrum A et fiat sector ex reliqua ut supra ex quibus tandem inuenietur rectangulum segmento dato equale. Et sit hoc  conuertetur in  habebimus  equalis dato sectori, eodem modo inquires rectam HI quę dabit latus  equalis dato segmento BXC et qę hoc problema pulcherrima habet secreta.


Propositio 19



Propositio 20^a



Eodem modo cum fuerit Lunula convertenda in quadratum, convertes primo segmentum compositionem in quadratum, deinde adiunctum PSQ. quo facto aufer minus quadratum à maiori, et relictum quadratum erit equalē datę Lunule.



Propositio 21.

Datam rectam lineam media et extrema ratione secare.

Sit data recta linea AB . Secanda in C , eomodo ut sicut se habeat tota AB ad maius segmentum BC . ita maius BC . ad minus CA , Euclides uocat hoc lineam secare ut habeat medium et duo extrema.

Circino capies longitudinem date linee AB , et regule crura diuarcatur quo ad ambo numeri 60 et 60, diuisionum graduum, Sint in ea distantia, mox capies transuersim interuallum literarum M et M . hoc est inter numeros 36 et 36, et hoc dabit quesitum maius segmentum BC et

Propositio 22.

Dato maiori segmento lineam totalem inquirere.

Hoc est conuersum precedentis, sit ergo datum maius segmentum DE , quod capies circino, et regule cruribus distesis, quo ad ambo numeri diuisionum graduum 36 et 36 sint in ea distantia, et interuallum quo 60 et 60, dabit quesitam lineam DF siue EF , ex quibus construximus triangulum. Isoscelem DEF , cuius anguli ad basim dupli sunt anguli uerticis F ; est hic Isosceles triangulus ille de quo Euclides libro 4^o prop^o 11^a elementorum tractat cuius ad maniculo Euclides describit pentagonum regularem.


Propositio 23.^a

In dato circulo figuram regularem multilateram describere.


Sit dati circuli centrum A . eiusque radius AB oportet in eo e.g. nonagonum regulare describere. In prima regula ad latus signatum litera B , sunt diuisiones interiores, que uocantur latera polygonalium in circulo.

Circino ergo capies longitudinem radij dati circuli AB ; et regule crura dilatantur quo ad ambo numeri 6 et 6, sint in ea distantia, quo facto, capies interuallum numerum 9 et 9: quod dabit tibi longitudinem lineę recte BC , que erit unum latus nonagoni in dato circulo.

Propositio 21



Propositio 23^a



Propositio 24.^a

Super dato latere figuram polygonalem regularem erigere.

Sit latus datum AB. Super quo describendus sit, e.g., pentagonus regularis;

Circino capies longitudinem lateris AB. et regule cruribus dilatatis donec ambo numeri, set 5, distant pro ista longitudine quo facto capies interuallum numerorum, 6 et 6, quod dabit tibi radium circuli in quo AB est unum latus pentagoni, quare capto hoc interuallo pones pedem circini primo in A et deinde in B, describendo singulis uicibus arcus circulorum, qui se secant in signo ^{et I.} centrum, et CA, uel CB radius circuli, in quo recta AB est unum pentagoni latus,

Nota hec operatio fit per diuisiones polygonalium in circulo.

Alio modo pentagonum super dato latere describere.



Sit datum GH latus ad describendum pentagonum regularem;

Per precedentem 22^a propositionem describes triangulum Isoscelem GIH deinde capta longitudine GH duc centris G^{et I.} et H, arcus circulorum, qui se secabunt in signis K et L ad quo ex punctis GH et I, duc rectas, que quesitum pentagonum dabunt.



Propositio 25.^a

Figuras regulares planas inter se mutare.



Ad describendum quadratum uel circulum uel hexagonum aut decagonum equalia dato pentagono.

Circino capies longitudinem lateris dati pentagoni AB et regule crura dilatantur donec ambo numeri 5 et 5 (diuisionum polygonalium equalium) ad faciem regule B signatam) sint in ea distantia, quo facto capies circino interuallum  et  et habebis diametrum circuli, equalis dato pentagono, et sic erit de ceteris figuris, ut hoc ad paret, in ad puctis figuris, et ad scriptis lateribus.

Propositio 24^a



Propositio 25^a



6 ————— Latus hexagoni
8 ————— Latus octagoni

Alia latera pentagono
dato aequalia. 10 ————— Latus Decagoni

Propositio 26.^a






Datus quam plurimis figuris ^{regularibus} inter se diuersis unam omnibus equalem delineare.

Sit e.g. describendus heptagonus regularis qui sit equalis datis tribus figuris regularibus, nempe dato trigono, pentagono, et octogono. Et sit recta A latus trigoni, B latus pentagoni, et C latus octogoni ex his datis inquirenda est magnitudo lineę IK quę dabit quesiti heptagoni latus.



Per precedentem 25.^{am} propositionem conuerteres has datas tres figuras in tria quadrata, eritq; D latus quadrati equalis dato trigono, et E latus quadrati equalis dato pentagono, eodem modo erit linea F latus quadrati equalis dato octogono, his ita inuentis, inquire per 9.^{am} huius rectam GO quę est latus quadrati equalis inuentis tribus quadratis D, E, et F, tandem inquire latus heptagoni equalis quadrato cuius unum latus sit recta OG, et inuenies longitudinem rectę IK. super qua per 24. huius, describes heptagonum qui erit datis tribus figuris equalis.

Figuras irregulares in polygonum regulare mutare.

Sit e.g. pentagonus irregularis A.B.C.D.E. et quadrangulum L.M.N.O., quę ambo in quadratum lubet mutare. Primo conuerter datum pentagonum in triangulum FCG. eodem modo describe triangulum PNO. equalē dato quadrangulo. Ambo hec triangula mutab; in quadrata, eruntque horum latera GK et OQ. Longitudo rectę OQ pone de G in R. et recta RR. erit latus quadrati equalis predictis duobus quadratis. Si vero RS. ponetur equalis rectę RR. certum est quod quadratum S.X. equalis erit predictis duabus figuris irregularibus, quadratum hoc licet facile mutare in aliquod aliud polygonum regulare. ex quo sequitur. quod quam facillime licet figuras irregulares mutare in aliquod polygonum regulare.



Quadratum equalē
irregulari pentagō
ABCD E, ac
irregulari quadrangulo
L M N O.



Propositio 27

Quinq; corpora regularia et globum inter se mutare.

Sit AB, eg. latus cubi, quem lubet mutare in aliquod ex ceteris quinq; corporibus regularibus, vel in globum.

Hec metamorphosis fiat ope diuisionum quinq; corporum regularium, quę ad faciem, latera C signatam, pertinent.


Capies ergo circino longitudinem lateris AB et crura regulę dilatantur, donec ambo characteres C et C, inter diuisiones quinq; corporum regularium positos: sint in eadem distantia quo facto, capies interuallum characterum significantium quesitum corpus. In sequenti figura sint latera omnium corporum equalia. dato cubo designata, ex quib; corpora describenda sint; eodem modo commutantur cetera corpora inter se.

faciendo ex globo vel cubum uel aliquod aliud corpus.



Item ex dodecaedro facies cubum uel globum et c.

Pyramis, et


Tetraëdron.



Propositio 27.^a



Dodeca




edron

Icosaë



dron

Octoaedron



Propositio 28.^a

Rationem quam duo metalla adinuicem habeant monstrare.

Sit inquirendum quam rationem habet, e.g. aurum ad argentum et ad cetera metalla.
Ad libitum sit AB latus alicuius corporis aurei, et lubet inuenire latera
similium corporum constructorum ex reliquis metallis eomodo ut
omnia ista corpora sint eiusdem ponderis.

Circino capies longitudinem lineę AB, et regulę crura distendite quoad
signa auri et auri sint in hac distantia, mox capies interualla ceterorum
metallorum: que signabis de A, in C, in D, in E, in F, ac in G, quo facto, conuerfes
ad diuisiones solidorum, ponendo e.g. numeros 20 et 20 in distantia rectę AB.
mox inquires quantum dabit AC, AD, AE, AF et AG, et inuenies 33.

$36\frac{3}{4}$. $42\frac{1}{4}$. $47\frac{1}{2}$ et si $\frac{1}{3}$, ex quo concludes quod aurum ad argentum
est sicuti $36\frac{3}{4}$ ad 20 / ~~hoc est~~ si sint duo corpora eiusdem magnitudinis
unum ex auro, alterum ex argento, quod aureum corpus erit ponderis $36\frac{3}{4}$ et
argentum solummodo ponderis 20.

Propositio 29.^a

Metalla inter se mutare.

Hęc propositio prouenit ex precedenti 28.^a, quia sit linea signata X
latus aurei corporis, et construendum est corpus argentum eiusdem
ponderis, queritur unum latus corporis argenti.

Circino capies longitudinem lineę X, et regulę crura distendite, quoad
ambo signa auri et auri sint in hac distantia, mox capies interuallum
signorum argenti, et argenti, et habebis longitudinem lineę O,

Dico quod aureum corpus X, et argenteum O, erunt eiusdem ponderis.

Propositio 30.^a

Globum plumbeum, e.g. conficere ponderis trium librarum
et hoc ex cognitione diametri globi ferrei 10 librarum.

Sit A diameter globi ferrei e.g. 10 librarum oportet inuenire diametrum
globi plumbei trium librarum.

Per diuisiones metallorum inuenies ope datę lineę A. rectam B, et ope
diuisionum solidorum ex data B inuenies lineam C. que dabit diametrum
globi plumbei ponderis trium librarum

Propositio 28^a




Tabula metallorum

Aurum	— 20. —
Plumbum	— 33. —
Argentum	— $36\frac{3}{4}$. —
Cuprum	— $42\frac{1}{4}$. —
Ferrum	— $47\frac{1}{2}$. —
Stannum	— $51\frac{1}{3}$. —

Explicatio huius tabule.


Si fuerint duo corpora metallica eiusdem magnitudinis. sitque unum ex cupro, alterum ex argento. dico quod si argenteum fuerit ponderis vnciarum $42\frac{1}{4}$. quod cupreum erit 50 huiusmodi ponderis $36\frac{3}{4}$ vnciarum. Eodem modo Aureum ad cupreum erit ut $42\frac{1}{4}$ ad 20. Argentum ponderis $51\frac{1}{3}$. erit stanneum ponderis $36\frac{3}{4}$. et cetera et sic de ceteris.

Propositio 29^a



Propositio 30

Diametri trium globorum



Propositio 31^a

Calibras pro tormentis bellicis in omni regione construere.

Nota, in ea regione ubi calibras hanc conficere uolueris, capies globum ferreum cuius diametrum et pondus inuestigabis, quia ex his datis facile constructur calibra tormentorum producta regione. Sit, e.g. linea signata characterem \times diametrum globi ferrei ponderis 10 librarum in Bruxella Brabantia. Circino capies longitudinem lineae \times et regule crura distendite donec ambo numeri 10 et 10, diuisionum solidorum, sint in ea distantia, mox capies circino interualla inter 1 et 1, 2 et 2, 3 et 3, 4 et 4, 5 et 5 etc. Item 10 et 10, usque ad 50 et 50, que pones super linea AB de puncto A, uersus B. ad signa 1. 2. 3. 4. 5. 10. etc. et ex dictis inuentis mensuris conficies calibras producta regione.

Propositio 32^a

Circulum in imperatas partes secare per lineas diametro parallelas.

Sit datus circulus, cuius centrum sit A. eiusque radius AD, oportet in eoducere rectam EFG diametro BAC parallelam, eo modo, ut ablatum segmentum FEGD. contineat e.g. tertiam circuli partem. Nota quod totum circulum intelligimus sectum esse, in 60 partes equales, seu segmenta equalia, et tertia pars ex 60, est 20, quare dictum questum segmentum debet continere partes 20, qualium totus circulus sit 60. Diuicato ergo regule crura donec ambo numeri 30 et 30 diuisionum sectionis circuli, sint in eadem distantia, cum radio dati circuli AD, quo facto capies interuallum numerorum 20 et 20, et habebis sagittam DE que querebatur.

Propositio 33^a

Dati circuli segmenti rationem quam ad totum circulum, habet monstrare.

Sit datum segmentum ADCB, oportet inquirere quam rationem illud habet ad illum circulum cuius est segmentum.

Primo queres centrum circuli cuius datum segmentum est frustum eritque illud E. Circino ergo capies longitudinem radii EB, et regule crura distendite donec ambo numeri 30 et 30, diuisionum sectionis circuli, sint in ista distantia, quo facto, capies circino longitudinem sagittae DB et inter dictas diuisiones inquires (trutinando) donec inuenies duos numeros equales qui sint in eadem distantia cum recta DB, et inuenies in hoc exemplo 12 et 12, dico quod segmentum hoc continet partes 12 qualium totus circulus continet 60, et quia 12 est quinta pars de 60, dico quod datum segmentum est quinta pars circuli cuius est segmentum.


Propositio 31^a




Calibra pro globis ferreis



Propositio 32^a



Propositio 33^a



Propositio 34

Circulorum segmenta in circulum uel in aliam figuram planam regularem mutare.
Sint BD sagitta et ADC chorda dati segmenti cuius circuli centrum erit E .

Circino capies longitudinem radij BE , et diuicatis cruribus donec ambo numeri 30 et 30, diuisionum circuli, sint in eadem distantia, mox capies circino longitudinem sagittę BD , et inquires interdictas diuisiones interuallum duorum equalium numerorum, equale longitudini BD et inuenies in hoc exemplo 12 et 12, dico quod hoc segmentum continet 12, qualium totus circulus 60. Conuerteres te ad diuisiones planorum, et inquires radium noui circuli continentis 12, qualium BE sit radius circuli qui sit continens 60, et inuenies circulum M , qui equalis erit dato segmento.

Si tandem lubet datum segmentum conuertere in quadratum uel in pentagonum aut in aliam figuram regularem accedes ad diuisiones polygonalium equalium et circulum M conuerteres in quadratum N uel in pentagonum O , que singula dato segmento erunt equalia.

Propositio 35.

Globum in imperatas partes secare, per plana inter se parallela.

Sint dati globi axis siue diameter maximi circuli AB , eiusque centrum C , et semi axis CD . oportet inuenire sagittam DE eo modo ut planum cuius diameter FG secet segmentum $FEGD$ auferetque quartam globi partem.

Circino capies longitudinem radij dati maximi circuli CD , et diuicatis regulę cruribus quo ad partes 30 et 30, diuisionum sectionis globi, sint in eadem distantia cum circini apertura, quo facto capies alio circino interuallum numerorum 15 et 15, quod pones super radio DC de D scilicet puncto in E , per quod ducetur recta FEG parallela diametro ACB eritque segmentum $FEGD$ equale quartę parti dati globi.





Propositio 36.

Dati segmenti magnitudinem indicare, hoc est inquirere quam rationem datum segmentum habeat ad suum globum cuius est segmentum.


Sint dati segmenti altitudo IL et diameter circuli sectionis HLK . oportet inuenire quam rationem segmentum hoc habeat ad suum globum.

Trium punctorum HIK queres centrum, circuli in quo est triangulus HIK , eritque illud in M , et regulę crura aperies, quo ad ambo numeri 30 et 30 diuisionum globi, sint in distantia MI sagittę mox capies longitudinem ^{scilicet} LI , et queres interdictas diuisiones duos numeros equales distantes in dicta longitudine LI et inuenies 12 et 12, dico quod qualium totus globus sit 60 talium hoc segmentum 12 ergo est quinta pars totius globi.


Propositio 34^a



Propositio 35^a



Propositio 36^a






Propositio 37


Globorum segmenta in globum vel in aliquod aliud corpus
regulare immutare.

Sit altitudo dati segmenti BD . et hoc ex globo cuius semissis axis sit BE ,
ex his datis inuenies ex sectionibus globi quod dictum segmentum continet
partes 12, qualium totus globus 60, quo habito, conuerteres te ad diuisiones
solidorum et ex radio BE cognito, inquires diametrum noui globi X .
qui contineat solummodo pondera 12 qualium globus O , contineat 60, et
globus X erit equalis dato segmento si iam lubet dictum segmentum
conuertere in aliquod aliud corpus, ut v.g. in cubum capies diametrum
globi X , et regule crura distendite quo ad characteres O et O , diuisionum
quinque corporum regularium sint in eadem distantia, mox capies
interuallum characterum C et C , et habebis latus cubi equalis dato
segmento; Eodem modo interuallum literarum D et D , dabit latus dodecaedri
equalis dato segmento.

Quoniam minus segmentum est partium 12, qualium totus globus sit 60. certum est
quod maius segmentum continet earundem partium 40. et ope diuisionum solidorum
inuenies diametrum globi IK continentis etiam partes 40. qualium globus E . partes 60.
ex quo sequitur quod dictus globus N , equalis est maiori segmento ACO . et c.



Diameter globi equalis
maiori segmento



Latitudo dodecaedri
equalis maiori
segmento.

Latitudo cubi equalis
M maiori segmento.




Vas nouum construere capax residui quod in alio maiori vase relictum fuerit, ea tamen ratione ut nouum uas priori magno simile sit.

Sit datum uas maius signatum literis **CDBFEA**. exhaustum usque ad rectam **ONP** lineam, oportet vas nouum conficere, priori simile, capax huius relictii. Sitque mensurę datę **AB**. maior profunditas **CD** et **EF** altitudines fundorum, et longitudo interior siue uera longitudo **CHE** siue **ONP**. Describes primum quadrangulum rectangulum **GHIMLK** cuius longitudo **GI** sit equalis uerę longitudinē dicti uasis et latitudo **GK** (nota **GK** sit media inter maximam profunditatem **AB** et altitudines fundorum **CD** vel **CF**). Vocatur hec media altitudo **GK**, profunditas uasis coequata, existimant enim artifices quod vas columnare cuius altitudo **GK** et longitudo **OP** sit equale dicto uasi, in quo tamen insigniter errant. Est tamen praxis hec trita uulgaris, et usitata apud eosdem magistros.

Describatur deinde circulus cuius diameter **RZ** sit equalis medię altitudini **GK**, in cuius diametro pones de **R** in **S** longitudinem rectę sagittę **HN**, quo facto inquires quam rationem habet segmentum circuli **VSXR** ad totum suum circulum et inuenies partes 10, qualium totus circulus continet 60, aufer ergo 18, a 60, et manent 42, dico quod qualium uas maius continet 60, talium erit pars exhausta 18, ergo relictum 42. Restat iam describere nouum uas priori simile, in ea ratione ut qualium primum, et maius uas continet 60, talium nouum continere debet 42.

Datę sunt mensurę maioris uasis continentis, eg; amphoras ⁶⁰ que sunt rectę **GI** **AB** et **CD**. ex his (ope diuisionum solidorum) inuenies alias tres rectas signatas 1.2.3, que dabunt mensuras, tam in longitudine quam in profunditate, ad conficiendum nouum uas quod capax erit amphorarū 42, iuxta relictam partem in maiori uase.

+
Propositio 30^a



- 1 ————— Longitudo novi vasis
- 2 ————— Altitudo media novi vasis
- 3 ————— Altitudo fundorum novi vasis.

Propositio 39. de usu diuisionum sinuum.

A puncto in extremitate lineę rectę dato perpendicularē lineam erigere.

Hoc facile fieri potest ad mimculo diuisionum sinuum.

Sit punctum **A**. in extremitate lineę **AB**. ex quo erigenda sit perpendicularis linea **AC**. Centro **A** et interuallo **AB**, ad placitum capto, duc arcum sursum uersus **C**, et regulę crura distendito donec numeri sinuum 45 et 45 sint in hac distantia, mox capies interuallum numerorum 90 et 90 et posito uno circini pede in signo **B**. alio describes arcum qui priorem secat in **C**. per quod transibit recta quesita perpendicularis **AC**.

Propositio 40

Quo pacto super latere dato construendum sit triangulum rectangulum, cuius anguli dati sint.


Hęc praxis inseruit ad constituendum illum triangulum, quem regionis triangulum uocant qui inseruit ad construenda horologia solaria omnis generis.

Sit data recta **AB**. perpendicularis quesiti trianguli rectanguli oportet ut angulus ad **C** exempli gratia sit graduum ⁴⁰ 40,quare alter angulus acutus ad **B** erit graduum ⁵⁰ 50. Circino capies longitudinem datę rectę lineę **AB** et regulę crura distendite donec ambo numeri ⁴⁰ 40 et ⁴⁰ 40 diuisionum sinuum distant in eadem distantia mox capies circino interuallum numerorum 50 et 50. et posito uno pede in centro **A**. duc alio pede arcum uersus **C**, simili modo (inuariata regulę apertura) capies interuallum numerorum sinuum 90 et 90 et centro **B** duc alium arcum, qui priorem secat in signo **C**, per quod duces tandem ^{rectam AC} etiam rectam **BC**, eritq; triangulus **BAC** rectangulus, et angulus ad **C** gr̃ 40.


Aliomodo per diuisiones Tangentium.

Data est recta **AC** cui ad angulos rectos sit **AB** erit longitudo **AC** tangens gr̃ 45 qualium data **AB** sit tangens gr̃ 40 et c.

Propositio 39^a



Propositio 40



Hic regionis triangulus
invenit ad construenda
horologia solaria.

Propositio 41^a

Trianguli plani cuius omnes anguli dati sint cum uno latere reliqua duo latera manifestare.

Sit datum latus AB passuum eg. quinquaginta, oportet super eo constituere triangulum ABC cuius angulus A sit eg. graduum 60, angulus B graduum 30, quare reliquus ad uerticem C angulus erit graduum 40.



Praxis huius operationis eadem est cum precedentis propositionis operatione, fac scalam passuum ad libitum ex qua capies longitudinem basos AB passuum 50, deinde duancabis regulę crura quo ad gradus 40 et 40 diuisionum sinuum sint in eadem distantia quo facto capies circino interuallum gy 60 et 60 et posito uno circini pede in puncto B. tanquam centro altero duc arcum sursum, simili modo capies interuallum gy 80 et 80, et centro A describes alium arcum qui priorem secat in quesito puncto C, tandem duc rectas AC et BC et habebis quesitum triangulum, ultimo inuenies ope cicle scale quod latus BC erit passus 68, et AC passus 71. Propositio hec ualde necessaria est pro dimensionibus distantiarum.

Propositio 42^a

Mappas mundi siue tabulas geographicas describere.

Totum negotium constat in proportionem parallelorum hoc est inter gradus latitudinum et gradus longitudinum et hoc diuerse secundum rationem parallelorum quam inuenies ope diuisionum sinuum. Sit eg. quod delineanda sit mappa aliqua cuius termini dantur hoc est ut differentia longitudinum sit gy 20 incipiendo a gradu longitudinis 5 ad gradus 25 usque, sintque termini latitudinum a gy 35 usque ad gradus 45 sit ergo BC parallela latitudinis et AD parallela gy 35 latitudinis media parallela sit EF ad gy 40 quare GH est spacium latitudinis et regulę crura distendito quo ad ambo numeri 90 et 90 sint in distantia rectę GT mox circino sumpta et regulę cruribus immotę manentibus capies interuallum graduum 45 et 45 quo habebis longitudinem GL et GM spacium scilicet quinque graduum sub paralelo gy 45 simili modo capies interstitium numerorum 55 et 55 (qui dantur ex complemento graduum 35 et 35) quod pones de H in I et K et tali praxi habebis amplitudinem graduum longitudinum sub paralelo 35 gy.

Propositio 41^a



Praxis constructionis huius trianguli valde utilis est, ad dimittendas magnas distantias, nam per Dioptram geometricam inquiruntur anguli stationum B. et A. ex quibus datur tertius C. est etiam notum stationum B. et A. intervallum. quia ex his cognitis inveniemus longitudines BC, et AC. intelligendo quod in C. est res per oculos posita, cuius distantiam querimus a statione prima A. vel B.

Propositio 42^a




Propositio 43 De usu Tangentium et sinuum

Horologium horizontale ad datam poli eleuationem conficere

Hoc fit uulgariter ope precedentis trianguli rectanguli qui regionis triangulus dicitur et eundem habes supra propositione 40: sed facilius horologium hoc describes ad libitum, ex cognitione poli altitudinis et opediuisionu sinuum et tangentium et hoc iuxta sequente modum.

Duc rectam BAC, ponendo spacia AB. et AC inter se equalia, ad tuum beneplacitum, eritque signum A, locus horę 12, B locus horę 9, ante meridiem, et C locus horę 3 post meridiem, deinde capies circino interuallum AB uel AC, et diuicatis regulę cruribus, donec ambo numeri 45 et 45 diuisionu tangentium sint in eadem distantia cum predicta interuallo, mox capies interualla graduum 15, et 15. Item 30 et 30, et habebis spacia horarum 1 et 11. Item 2 et 10 ab horę meridię puncto A quo facto, considerabis ad quam poli eleuationem hoc horologium conficiendum sit: sit qz hoc ad gradum ⁴⁰ quare capta circino longitudine AB. se iunges regulę crura donec gradus ⁴⁰ et 40 diuisionu sinuum sint in eadem distantia, et habebis longitudes AI, BG, et CH, quibus dabantur loca horę 6^e et locum centri horology I primo ducende sunt rectę BE, AD et CF ad angulos rectos cum linea BAC. signa uero G et H in dictis lineis coniunges recta GHI linea quę horę sextę linea uocatur. Tandem circino capies longitudinem BG uel CH et regulę crura distendite quo ad numeri 45 et 45 Tangentium: sint in eodem interuallo et distantie graduum 15, et 15, Item 30 et 30, dabunt distantiam horarum 5. 4. item 7 et 8 à signis horę sextę G et H, et tali paxi habebis uera horarum signa. Index horology constructur iuxta regionis trianguli precedentis 41 § ppo^{ms}, uel centro I et interuallo AI, duc arcum qui rectam CH secat in K, per quod transeat recta ex centro I ducta, quę continuata secat rectam AC productam in L, eritque denuo triangulus rectangulus IAL qui indicem horology monstrabit.



Horologium horizontale
ad elevationem poli gr. 40.

Si volueris horas mēstnuere per semisses horas
tunc utere sequenti tabula, quia Tangentes
horum graduum dābunt intervalla horarum.

Hora. $\frac{1}{2}$ - gradus. $7\frac{1}{2}$
 Hora. I - gradus. 15.
 Hora. $I\frac{1}{2}$ - gradus. $22\frac{1}{2}$
 Hora. 2 - gradus. 30
 Hora. $2\frac{1}{2}$ - gradus. $37\frac{1}{2}$
 Hora. 3 - gradus. 45

Horologium uerticale declinans describere addatam
alicuius regionis latitudinem.

Operatio hec ex cogitata est à nobis olim, et hoc ope diuisionum sinuum,
et tangentium, sed ut ea facilius euadet exemplo rem declarabimus:


Sit poli eleuatio grad^u 40 et muri declinatio à meridie ad ortum

grad^u 30. δ / duc rectas AB et CD, que se inuicem secant pro^{ter} orthos in signo E,
harum AB dabit meridianam, et CD horizontalem lineam, centro E, et radio
EF, ad libitum capto, duc quadrantem circuli FFP, in quo à signo F in P pones
arcum graduum 30, eritq^{ue} recta EF, et que declinationis linea dicitur, ex F duc
rectam FG ad angulos rectos cum linea CD. punctum Z erit centrum horology
est enim EZ. Sinus grad^u 40⁴⁰ qualium EF sit sinus grad^u 50, recta ZG est stili
linea, cui ad angulos rectos insistit recta GH cuius longitudo equalis
est longitudini stili GF, etq^{ue} cetera sunt communia.

Si PO est equalis EZ, et sit OQ. sinus grad^u 30 declinationis muri qualium OP
sit totus, recta ZE dabit sextam horology: Deinde super puncto E duces rectam
IEK et qualis sit FE sinus totus talium EI et EK erit sinus grad^u eleuationis
poli 40, recte FI et FK secant horizontalem lineam in signis L et M, et
linea ZL dabit horam nonam sed ZM indicabit ^{1^a horam} pomeridianam, et hoc
modo habes horas 3. 6. 9. 12. 3. 6. 9. 12.

Horarum intermediarum signa inuenies, ope diuisionum tangentium,
hoc modo: duc rectam RTS ad libitum parallelam cum meridia
linea AB, hec secabit tertie hore lineam in R, sextam in T et nonam in S.
eruntq^{ue} spacia TR et TS semper equalia: Coram capies longitudinem
TR siue TS, et diuancatis crumbus donec numeri 45 et 45, tangentium,
sint in eadem distantia: quo facto capies interualla grad^u 15 et 15,
item 30 et 30 et habebis distantia Ts. T7. item T4 T8 etq^{ue}
ex signo S duc rectam SVX parallelam hore sexte TZ V. hec secabit
duodecimam in V et tertiam horam in X, eruntq^{ue} denuo spacia VS et VX inter
se equalia. Distantie Vi. Vi. item V. 7. V. 10. sunt tangentes graduum 15 et 30
qualium VS siue VX sit tangens graduum 45, ex X est recta XV
parallela meridiane linee AB et diuisiones horarum linee Vs. V4 sunt equalis diuisionib^{us}
linee TR, triangulus rectangulus HGZ gnomon siue index horology collocandus
super stili linea ZG eo modo ut latus GH sit ex omni parte normalis cum panele etq^{ue}

Horologium verticale declinans
à Meridie ad Ortum gr 30
pro latitudine gr 40. —



Propositio 45


Dati numeri radicem quadratam dare.


Sit datus numerus 4500, ex quo lubet extrahere radicem quadratam:
 Aufer priores duas figuras et manebunt 45. Quo facto, capies circino
 ex diuisionibus equalibus, 30, et regule crura dilatantur quoad ambo
 numeri 64 et 64 diuisionum planorum sint in hac distantia, mox
 capies transversim interuallum dictorum numerorum 45 et 45, quod
 transportabis, recte ad diuisiones equales et inuenies 67, aliquantulum
 plus pro quesita radice.

Nota, pro duabus ablatis figuris si ille alicuius valoris fuerint,
 addende sunt ad relictum, numerum debite fractionis, in 100, quare
 pro 45 25, capies $45 \frac{1}{4}$ pro 4650 capies $46 \frac{1}{2}$ et simili modo pro
 34 25 capies $34 \frac{3}{4}$ et pro 4136 capies $41 \frac{1}{3}$ etc.

Aliud in hisse extractionibus considerandum est, nempe si numerus
 datus excedit 6400, tunc capies dati numeri quartam partem ex
 qua abicies denuo eius duas figuras, et per hoc residuum queres
 ut supra, debitam radicem, quam duplabis, et habebis radicem
 quesitam dati numeri sit e.g. datus numerus 20000, huius quarta
 pars est 5000 eiusq; relictum 50 quod dat $70 \frac{1}{2}$ et huius duplum
 141 est proxima radix quadrata ex 20000. etc.

Finis.





ELENCHVS LIBRI,

- 1 Datam rectam lineam in partes equales secare.
- 2 A data linea imperatam partem auferre.
- 3 Duas uel plures figuras regulares describere quarum ambitus simul sumpti equales sint alicui datæ rectæ lineæ.
- 4 Lineam rectam describere dati circuli circumferentiæ equalem.
- 5 Rectangulum delineare æquale dato circulo.
- 6 Quadratum describere quod dato circulo sit æquale.
- 7 Plana adaugere uel diminuere iuxta datam aliquam rationem.
- 8 Proportionem quam similia plana adinuicem habeant inquirere.
- 9 Planum describere quod sit multis alijs similibus æquale.
- 10 Planum delineare æquale differentie datorum duorum similitum planorum.
- 11 Inter duas datas lineas rectas mediam proportionalem
— lineam inuenire.
- 12 Corpora solida ad augere uel diminuere iuxta datam rationem.
- 13 Proportionem duorum similitum corporum inuenire.
- 14 Datis quam plurimis corporibus similibus unum reliquis æquale inducere.
- 15 Corpus constituere æquale differentie duorum datorum corporum.
- 16 Inter duas datas lineas, duas alias intermedias proportionales inuenire.
- 17 A dato circulo arcum notare comprehendentem imperatum —
— numerum graduum.
- 18 Magnitudinem dati arcus uel anguli inquirere.
- 19 Lineam rectam describere dato arcui æqualem, et contra in dato circulo arcum notare qui equalis datæ rectæ lineæ; oportet quod hæc data recta linea semper sit minor circumferentiæ dati circuli.
- 20 Rectangulum delineare quod sit dato sectori, uel etiam dato circuli segmento æquale.
- 21 Datam rectam lineam mediâ et extremâ ratione secare.
- 22 Dato maiori segmento, lineam totalem inquirere.
- 23 A dato circulo figuram regularem multi latera describere.

- 24 Super dato latere figuram polygonalem regularem erigere.
- 25 Figuros regulares planos inter se mutare.
- 26 Datis quam plurimis figuris regularibus inter se diuersis
unam omnibus equalem delineare.
- 27 Quinq; corpora regularia et globum inter se mutare.
- 28 Rationem quam duo metalla ad inuicem habeant monstrare.
- 29 Metalla inter se mutare.
- 30 Globum plumbeum, eg; conficere ponderis trium librarum.
- 31 Calibris pro tormentis bellicis momni regione construere.
- 32 Circulum in imperatas partes secare per lineas diametro parallelas.
- 33 Dati circuli segmenti rationem quam ad totum circulum habet monstrare.
- 34 Circulorum segmenta in arcum, uel in aliam figuram planam regularem, mutare.
- 35 Globum in imperatas partes secare per plana inter se parallelas.
- 36 Dati segmenti magnitudinem indicare, hoc est inquirere quam ratione
datum segmentum habeat ad suum globum, cuius est segmentum.
- 37 Globorum segmenta in globum uel in aliquod aliud corpus regulare immutare.
- 38 Uas nouum construere capax residui in alio maiori uase relictis,
ea tamen ratione, ut nouum uas priori magno simile sit.
- 39 A puncto in extremitate linee recte dato perpendicularare lineam erigere.
- 40 Quo pacto super latere dato construendum sit triangulum
rectangulum, cuius anguli dati sint, hec praxis inseruit ad construendum
illum triangulum quem regionis triangulum uocant, qui inseruit
ad construenda homologa solaris omnis generis.
- 41 Trianguli plani cuius omnes anguli dati sint cum uno latere, reliqua
duo latere manifestare.
- 42 Mappas mundi, siue tabulas geographicas describere.
- 43 Horologium horizontale ad datam poli elevationem conficere.
- 44 Horologium uerticale declinans describere, ad datam alicuius
regionis latitudinem.
- 45 Dati numeri radicem quadratam dare.

Elenchi finis.

351b

ANICOEI ANTIVKPIANO DE PEO ME

128